



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA VHURARU (P3)

LARA 2021

TSUMBANDILA YA U MAKĀ

MARAGA: 100

Tsumbandila ya u maka iyi i na masiatari a 13.

MAFHUNGO THANGELI O LIVHISWAHO KHA MUTOLI/MUMAKI

Musi vha tshi tola/maka mushumo wa mulingiwa, zwi tevhelaho ndi zwiwwe zwa zwine zwa tea u dzhielwa nzhele musu vha tshi shumisa rubriki:

- Ndeme ya vhupulani, mvetamveto, u vhalulula na u dzudzanya zwo bveledzwaho kha tshibveledzwa tsha u fhedzisela tsho nekedzwaho.
- U dzhiela nzhele u riwala hu re na ndivho, vha tangedzaho mafhungo na nyimele hu tshi katelwa na redzhistara, tshitaila na thouni – nga maanda ho sedzeswa KHETHEKANYO YA B.
- Girama, mupeleto, khethekanyo ya maipfi na zwiga zwa u vhala.
- Zwivhumbeo zwa luambo, hu tshi katelwa na luambo lwa vhudzivha/kuambebe.
- Munanguludzo wa maipfi na luambo lwa maambebe.
- Kufhatelwe kwa mafhungo.
- Kuvhekanyelwe na kufhatelwe kwa dziphara.
- Kuthathuvhelwe kwa thoho sa zwo taniwaho nga zwi re ngomu/zwo faredzwaho: mvulatswinga, kubveledzelwe kwa mihumbulo na magumo.

MAHUMBULWA MALUGANA NA KUMAKELE/KUTOLELE

KHETHEKANYO YA A: MAANEA

Kha vha sedze KHETHEKANYO YA A: Rubriki ya u Tola/Maka Maanea i wanalaho kha masiatari a u fhedzisela.

KHRITHERIA DZI SHUMISWAHO KHA U TOLA /MAKA	
KHRITHERIA	MARAGA
ZWI RE NGOMU NA VHUPULANI	30
LUAMBO, TSHITAILA NA U DZUDZANYA	15
TSHIVHUMBEO	5
THANGANYELO	50

1. Kha vha vhale maanea othe vha kone u livhanya na/nanguludza khathegori yo teaho mafhungo aya zwi tshi kwama ZWI RE NGOMU NA VHUPULANI.
2. Kha vha dovhe hafhu u vhala maanea vha nanguludze/livhanye hafhu na khathegori yo teaho mafhungo ayo zwi tshi kwama LUAMBO, TSHITAILA NA U DZUDZANYA.
3. Kha vha dovhe hafhu u vhala maanea vha koneha u nanguludza/livhanya na mafhungo ayo zwi tshi kwama TSHIVHUMBEO.

KHETHEKANYO YA B: ZWIBVELEDZWA ZWA VHUDAVHIDZANI

Kha vha sedze **KHETHEKANYO YA B: Rubriki ya u Tola/Maka Zwibveledzwa zwa Vhudavhidzani** i re kha siatari la u fhedzisela.

KHRITHERIA DZI SHUMISWAHO KHA U TOLA /MAKA	
KHRITHERIA	MARAGA
ZWI RE NGOMU, VHUPULANI NA TSHIVHUMBEO	15
LUAMBO, TSHITAILA NA U DZUDZANYA	10
THANGANYELO	25

1. Kha vha vhale tshibveledzwa tshothe vha kone u livhanya na/nanguludza khathegori yo teaho mafhungo ayo zwi tshi kwama ZWI RE NGOMU, VHUPULANI NA TSHIVHUMBEO.
2. Kha vha dovhe hafhu u vhalala tshibveledzwa vha nanguludze/livhanye hafhu na khathegori yo teaho mafhungo ayo zwi tshi kwama LUAMBO, TSHITAILA NA U DZUDZANYA.

KHA VHA PFESESE:

- Zwivhumbeo zwo fhambanaho zwa zwibveledzwa zwa vhudavhidzani zwi funzwa zwo livhiswa kha maitele a zwino a u linga.
- Izwi zwi tea u dzhielwa ntha musi hu tshi tolwa tshivhumbeo.
- Kha vha nee maraga kha tshivhumbeo tsho teaho/tshone.
- Kha vha sedzese kuvhekanyelwe/kukumedzelwe kwone kwo teaho musi hu tshi nwalwa tshibveledzwa tshinwe na tshinwe.

KHETHEKANYO YA A: ZWIBVELEDZWA ZWA VHUSIKI (MAANEA)**MBUDZISO YA 1****ADENDAMU**

- Mbuno dzo newaho fhasi ha thoho inwe na inwe kha iyi adendamu dzi thuse fhedzi sa tsumbandila/gaidi kha vhamaki/vhatoli.
- Hu tea u newa tshikhala/thendelo ya u dzhiela nthanda ndila ine mulingiwa a thathuvhisa zwone/ngayo thoho, naho zwi tshi nga vha zwo fhambani na izwo zwo newaho kha idzo mbuno kana na mihumbulo/kuvhonele kwa vhone mutoli/mumaki.

1.1 Ri nga ri mini, ndi zwa ano maduvha.

Tsumbo ya zwine mulingiwa a nga dadamala khazwo musu a tshi riwala maanea awe:

- Mulingiwa u riwala nga ha zwithu zwine zwa khou bvelela ano maduvha. Tsumbo: U tswiwa ha vhatu, u shengedzwa ha vhafumakadzi na vhana, nz.
- Zwi nga di vha zwithu zwi mangadzaho, zwi songo lavhelelwaho.
- Maanea aya u tea u a riwala nga ndila ya u tou anetshela.
- Fhedzi arali mulingiwa a riwala luwe lushaka lwa maanea ane ra pfa a tshi fusha thoho ye a newa, ha newi ndatiso.
- Maanea awe kha vhe na mathomo, mutumbu na magumo zwi fushaho. [50]

1.2 Dzhatsha lo vuswaho nga tshitzhili tsha Corona.

Tsumbo ya zwine mulingiwa a nga dadamala khazwo musu a tshi riwala maanea awe:

- Mulingiwa u tea u riwala nga ha dzhatsha lo vhangwaho nga tshitzhili tsha Corona kha lushaka.
- Mulingiwa u tea u sumbedza kutshilele kwa vhatu musu hu na tshitzhili itshi, nga maanda maga a tsireledzo ane a tea u tevhedzwa.
- Mulingiwa kha sumbedze masiandaitwa ane a diswa nga tshitzhili itshi, sa malwadze na dzimpfu.
- Maanea awe kha vhe na mathomo, mutumbu na magumo zwi fushaho.
- Arali mulingiwa a riwala nga lushaka luwe na luwe lwa maanea o livhanaho na iyi thoho, u tea u avhelwa maraga dzi yelanaho na zwe a riwala. [50]

1.3 U anda ha mabulayo a vhafumakadzi nga vhafunwa vhavho ano maduvha.

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u n̄wala nga ha mabulayo a vhafumakadzi nga vhafunwa vhavho.
- U tea u sumbedza zwivhangisi zwa mabulayo a vhafumakadzi nga vhafunwa vhavho, khathihi na nd̄ila dza u thivhela dzema ili.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luñwe na luñwe lwa maanea o livhanaho na iyi thoho, u tea u avhelwa maraga dzi yelanaho na zwe a n̄wala.

[50]

1.4 Thekhinolodzhi – shaka lashu, swina la vhanzhi.

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u thoma nga u talutshedza thoho.
- U tea u n̄wala nga zwivhuya zwine zwa diswa nga thekhinolodzhi sa: zwileludzi zwa vhudavhidzani.
- U tea u dovha hafhu a n̄wala nga zwithu zwi si zwavhudi zwine zwa nga vhangwa nga thekhinolodzhi sa: u xeelwa ha vhathu nga mishumo na u tswelwa masheleni banngani.
- Mulingiwa u fanela u sumbedza magumo a siaho muvhali a tshi divha zwine ene mulingiwa a imela zwone.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luñwe na luñwe lwa maanea o livhanaho na iyi thoho, u tea u avhelwa maraga dzi yelanaho na zwe a n̄wala.

[50]

1.5 Zwo dina nge vhe ndi lushie, a pfa o nyadzea vhukuma.

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa a nga n̄wala nga ha zwithu zwe a vhuya a nea tsivhudzo kha vhathu vhane vha vha vhahulwane khae vhone vha zwi nyadza.
- A nga di dovha hafhu a sumbedza u disola ha vhathu vhe a vha fha tsivhudzo.
- Maanea aya u tea u a n̄wala nga nd̄ila ya u tou anetshela.
- Maanea awe kha vhe na mathomo, mutumbu na magumo zwi fushaho.
- Fhedzi arali mulingiwa a n̄wala luñwe lushaka lwa maanea ane ra pfa a tshi fusha thoho ye a newa, ha newi ndatiso.

[50]

1.6 Vhañwe vhashu vha nga ri, 'Dakalo li fhirisa vhutungu,' ngeno vhañwe vha tshi nga ri, 'Vhutungu vhu fhira dakalo.'

Tatani ni tshi ima na muthihi wa mihumbulo iyo i hanedzanaho.

Tsumbo ya zwine mulingiwa a nga dadamala khazwo musu a tshi ñwala maanea awe:

- Mulingiwa u tea u thoma nga u talutshedza thoho iyi: A nga talutshedza nga ha madakalo e a vhuya/ane a khou tangana nao kana a talutshedza vhutungu he a vhuya/vhune a khou tangana naho.
- Kha sumbedze nga mbuno dzo dziaho nga ha madakalo ane muthu a nga tangana nao vhutshiloni.
- Muñwe a nga sumbedza nga mbuno dzo dziaho dza vhutungu vhune muthu a tangana naho vhutshiloni.
- Maanea awe kha vhe na mathomo, mutumbu na magumo zwi fushaho.
- Arali mulingiwa a ñwala nga lushaka luñwe na luñwe lwa maanea o livhanaho na iyi thoho, u tea u avhelwa maraga dzi yelanaho na zwe a ñwala.

[50]

1.7 **KHA VHA PFESESE:** Hu tea u vha na vhumani vhukati ha maanea na tshifanyiso tsho nangwaho.

1.7.1 **Tshifanyiso**

Tsumbo ya zwine mulingiwa a nga dadamala khazwo musu a tshi ñwala maanea awe:

- Mulingiwa u tea u ñea thoho yo teaho ya maanea awe.
Tsumbo: **Malamba a vha sa ñali ...**
- U ya nga ha itshi tshifanyiso, mulingiwa a nga anetshela/buletshedza/nga u imedzana na nyimele dzine muthu a tangana nadzo vhutshiloni.
- Kha sumbedze vhudipfi hawe nga ha zwine a khou tangana nazwo.
- U tea u sumbedza zwivhuya zwe a zwi swikelela nga nthani ha u kondelela.
- Maanea awe kha vhe na mathomo, mutumbu na magumo zwi fushaho.
- Arali mulingiwa a ñwala nga lushaka luñwe na luñwe lwa maanea o livhanaho na itshi tshifanyiso, u tea u avhelwa maraga dzi yelanaho na zwe a ñwala.

[50]

1.7.2 Tshifanyiso

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u nea thoho yo teaho ya maanea awe.
Tsumbo: **Gundo l̄ashu.**
- U ya nga ha itshi tshifanyiso, mulingiwa a nga anetshela/buletshedza/vhuisa muhumbulo nga ha gundo l̄a mit̄atisano.
- Mulingiwa a nga n̄wala nga ha mit̄atisano ye ya vha hone vha fhedza vho kunda.
- Kha sumbedze uri zwo d̄isa hani uri vha kunde.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka lūiwe na lūiwe lwa maanea o livhanaho na itshi tshifanyiso, u tea u avhelwa maraga dzi yelanaho na zwe a n̄wala.

[50]

THANGANYELO YA KHETHEKANYO YA A: 50

KHETHEKANYO YA B: ZWIBVELEDZWA ZWA VHUDAVHIDZANI**MBUDZISO YA 2****ADENDAMU**

Vhalingiwa vha lavhelelwa u fhindula mbudziso mbili kha dzo nekedzwaho. Vhulapfu ha phindulo vhu vhe maipfi a u bva kha a 180 u swika kha a 200 ho sedzwa mutumbu fhedzi. Luambo, redzhistara, tshitaila na thouni zwi tea u livhanywa na nyimele.

2.1 VHURIFHI HA TSHISHAKA (INIFOMALA)**Zwi re ngomu na Tshivhumbeo:**

- Ri lavhelela mafhungo a ngeletshedzo yo livhiswaho kha makhadzi zwi tshi yelana na niwana wavho wa mikhwa i songo daho u bva kha muzwala wawe.
- Diresi nthihi ya muñwali ine ya tevhelwa nga datumu.
- Diresi i tea u niwalwa nga vhudalo.
- Zwiga zwa u vhalala a zwi shumiswi mafheleloni a mitaladzi ya diresi, theshano na magumo.
- Theshano: Tsumbo: Vho-Muofhe.
- Marangaphanda kha nee muvhali ludungela lwa mafhungo ane a do a wana kha mutumbu.
- Mutumbu: Ndi hune ha wanala tshidziki tsha mafhungo, na thandavhudzo yao.
- Hu shumiswa luambo lwo teaho, lu si na miswaswo.
- Nyonesano: Ndi hune muñwali a onesana na muñwalelwa.
- Magumo: Muñwali u niwala dzina lawe fhedzi.

[25]

2.2 NGANEAVHUTSHILO YA MUFU**Zwi re ngomu na Tshivhumbeo:**

- Mulingiwa u tea u tana dzina na tshifani zwa mufu, fhethu he a bebelwa hone, duvha la mabebo khathihi na madzina a vhabebi.
- Zwe zwa swikelelwa zwa ndeme: Pfunzo/u didzhenisa kha zwa u londota vhana, nz.
- Nganeavhutshilo iyi i tea u dovha hafhu ya tana zwe mufu a zwi swikelela vhutshiloni nga nthani ha u londota vhana.
- Tshivhangi tsha lufu, tshifhinga tsha u lwala, fhethu he mufu a lovhela hone na duvha le mufu a lovha ngalo.
- Zwine mashaka na dzikhonani vha do mu humbula ngazwo.
- Mashaka e mufu a a sia.
- U dzheniswa ha milaedza ya ndiliso/zwikhodo u bva kha muta, nz.

[25]

2.3 ATHIKILI YA MAGAZINI

Zwi re ngomu na tshivhumbeo:

- Athikili iyi i tea u faredza zwine zwa tea u itwa zwickoloni zwashu nga tshifhinga tsha iyi nyimele ya tshitzhili tsha *Corona*.
- Thoho i kungaho/i takadzaho.
Tsumbo: **Tshitzhili tsha *Corona* zwickoloni.**
- Thoho i tevhelwa nga dzina la munwali.
- Mvulatswinga: Ndi hune munwali a divhadza fhungo line a toda u amba nga halo. U divhadza maitele ane a tea u tevhedzwa zwickoloni.
- Mutumbu: Hu tandavhudzwa mihumbulo ya fhungo la maitele a zwithu zwickoloni, u ambara mimasiki, u dzula kule na kule, u shumisa sanithaiza kana madi na tshisibe na zwiwevho.
- Tshitaila tshi nga vha tsha mbuletshedzo, tshi shumisaho figara dza muambo na zwi tokonyaho mihumbulo ya vhavhali.
- Madzina, fhethu, zwifhinga, vhuimo na zwiwe zwa ndeme zwi tea u netshedzwa/buletshedzwa kha athikili.
- Phendelo: Ndi hune mafhungo a vhiniwa hone.

[25]

2.4 INTHAVIYU

Zwi re ngomu na Tshivhumbeo:

- Ri lavhelela nyambedzano vhukati ha ramabindu na murangaphanda wa Khoro ya Lushaka yo livhiswaho kha thuso ine ya khou toda itelwa wadi ya afho muvhunduni.
- Thoho kha i vhe ye mulingiwa a randelwa yone.
- Mvulatswinga: Kha hu tanwe nyambedzano vhukati ha vhatu vhavhili.
- Mutumbu: Kha hu netshedzwe nyimele (sinario) hu sa athu u thomiwa u nwalwa. Hu nwaliwe madzina a vhabvumbedzwa u ya kha tshamonde tsha siatari. Hu shumiswe kholoni u bva kha dzina la muambi/mubvumbedzwa. Hu pfukwe mutaladzi u bva kha uno muambi u ya kha a tevhelaho. Hu rekhodiwe nyambedzano nga u sielisana u bva kha uno muambi u ya kha ula. Mafhungo a tea u thoma phanda ha hune dzina la guma hone, zwo khethekanywa nga kholoni.
- Magumo: A tea u vha a fushaho.

[25]

2.5 MUVHIGO

Zwi re ngomu na Tshivhumbeo:

- Ri lavhelela muvhigo une wa khou tana mutangano une ha khou ambiwa nga tshinyalelo yo vhangiwaho nga midalo.
- Thoho: Kha i vhe ye a randelwa yone.
- Marangaphanda (ndivho na tshikoupu).
- Matshimbidzele (nnyi? ngafhi? lini? mini? hani?).
- Magumo/mawanwa.
- Phendelo.
- Themendelo.
- Tsaino ya muvhigi.
- Tshiimo tsha muvhigi.
- Datumu.

[25]

2.6 VHURIFHI HA TSHIOFISI (FOMALA)

Zwi re ngomu na Tshivhumbeo:

- Ri lavhelela khumbelo yo livhiswaho kha Khoro ya Lushaka i bviselaho khagala bono la muhumbeli uri vhu uho vhu bvedziswe.
- Diresi mbili (ya muñwali na ya muñwalelwa).
- Diresi ya u thoma (i tea u ñwalwa datumu nga vhudalo).
- Diresi ya vhuvhili (i thoma nga mufari wa tshiimo sa 'Muñwaleli' kana 'Mulanguli').
- Theshano: Ndaa/Aa.
- Thoho ya mafhungo (i tea u ñwalwa nga madanzi kana ya talelwa arali yo ñwalwa nga maledere matuku).
- Mutumbu. Hu ñwalwa khumbelo nga vhudalo.
- Nyonesano kana phendelo.
- Magumo (muñwali u ñwala tshifani na dzina/inishiala).
- Tsaino ya muñwali.

[25]

THANGANYELO YA KHETHEKANYO YA B: 50
MARAGAGUTE: 100

PFESANI:

- Tshifhinga tshothe vha tshi tola maanea a vhusiki, vha tea u shumisa rubriki iyi (BAMMBIRI LA VHURARU).
- Maraga dza 0–50 dzo khethekanywa dza bva zwipida zwanu (5) zwi hulwane zwa thalusamaimo.
- Kha khritheria dzi angaredzaho Zwi re Ngomu, Luambo na Tshitaila, tshinwe na tshinwe tsha izwo zwipida zwa thalusamaimo tsho khethekanywa tsha bva zwipida zwi vhili: tshipida tsha ntha na tsha fhasi, tshinwe na tshinwe tshazwo tsho faredza maraganyangaredzi dzo tshi teaho u ya nga u tevhekana hazwo.
- Tshivhumbeo tshone a tshi kwamei nga heyi khethekanyo ya maimo a ntha na a fhasi.

KHETHEKANYO YA A: RUBRIKI YA U TOLA/MAKA MAANEA A LUAMBO LWA HAYANI [MARAGA 50]

Khriteria		Zwa nthesa	Tshikili tshone	Vhukoni ha vhukati/vhu fushaho/ho linganelaho	Vhukoni ha fhasi	U sa kona
ZWI RE NGOMU NA VHUPULANI (Zwo riwaliwaho na mihumbulo) Nzudzanyo ya mihumbulo na vhupulani/ U dzhiela nzhele ndivho, vha tangananedzaho mafhungo na nyimele MARAGA 30	Maimo a ntha	28–30	22–24	16–18	10–12	4–6
		-Mihumbulo i gobolaho/tokonyaho i sa vhambedzwi/lavhelelwiho -Mihumbulo ya vhuṭali, i tokonyaho nahone yo vhibvaho -Zwo dzudzanywa nahone zwa dovha zwa lunzhedzana tshidele lwa tshothe, hu tshi katelwa marangaphanda, mutumbu na magumo/mupendelo	-Phindulo yo lundwa tshidele vhukuma -Zwi yelana tshothe na thoho nahone zwa takadza -Hu na vhuṭanzi ha mihumbulo yo vhibvaho -Zwo dzudzanywa nahone zwa dovha zwa lunzhedzana tshidele lwa tshothe, hu tshi katelwa marangaphanda, mutumbu na magumo/mupendelo	-Phindulo i fushaho -Mihumbulo yo lunzhedzana lwo linganelaho nahone zwi a tendisea -Zwo dzudzanywa nahone zwa dovha zwa lunzhedzana lwo linganelaho/lu fushaho, hu tshi katelwa marangaphanda, mutumbu na magumo/mupendelo	-Phindulo i shaedzaho ndunzhendunzhe -Mihumbulo yo vhilinganaho, nahone i si na vhusiki ha muṅe -Vhuṭanzi vhu si gathi ha nzudzanyo na u lunzhedzana zwo teaho	-Phindulo yo polikaho tshothe -Mihumbulo yo tangananaho nahone i si na sia -Ndi phambananadzo, zwo sokou dovhoolwa -A zwo ngo dzudzanywa nahone a zwi na ndunzhendunzhe
	Maimo a fhasi	25–27	19–21	13–15	7–9	0–3
		-Ndi zwa nthesa, fhedzi zwo ri shaedzinyana musutshelo wa maanea o lundwaho tshidele lwa tshothe/tshothe -Mihumbulo yo vhibva ya lundwa lwa vhuṭali -Zwo dzudzanywa nahone zwa dovha zwa lunzhedzana tshidele lwa tshothe, hu tshi katelwa marangaphanda, mutumbu na magumo/mupendelo	-Zwo lundwa tshidele -Mihumbulo i yelanaho, i takadzaho -Zwo dzudzanywa nahone zwa dovha zwa lunzhedzana zwavhuṭi, hu tshi katelwa marangaphanda, mutumbu na magumo/mupendelo	-Phindulo i a fusha fhedzi hu na vhuṭudzetudze huiwe vhu khakhisaho muṭodo -Mihumbulo yo dzudzanywa lwa ndinganelo nahone i a tendisea -Hu na huiwe u fusha ha nzudzanyo na ndunzhendunzhe, hu tshi katelwa marangaphanda, mutumbu na magumo/mupendelo	-Phindulo yo anzaho u sa yelana ha mafhungo -Mihumbulo i vho sumbedza u liana na u daḍisa -U shaedza vhuṭanzi ha nzudzanyo na ndunzhendunzhe zwo teaho	-A hu na ndingedzo ya u fhindula thoho/mbudziso -U polika tshothe na u sa tsha tea lwa tshothe -A zwi na sia nahone zwo vhilingana

KHETHEKANYO YA A: RUBRIKI YA U TOLA/MAKA MAANEA A LUAMBO LWA HAYANI [MARAGA: 50] (i ya phanda)

LUAMBO, TSHITAILA & U DZUDZANYA		14-15	10-11	6-7	2-3	0
Thouni, redzhistara na divhaipfi zwo teaho ndivho/zwiitei na nyimele. Munanguludzo wa maipfi. Kushumisele kwa luambo na milayo, zwiga zwa u vhala, girama, mupeleto.	Maimo a nthā	-Thouni, redzhistara, tshitaila na divhaipfi zwo tea tshothe tshothe ndivho, vha tangedzaho mafhungo na nyimele. -Luambo ndi lwa vhudifhulufheli ha nthesa, lu nyanyulaho tshothe. -Lu a gobola, nahone lwo pfuma u dzangelwa ha thouni -A hu na vhukhaki ha girama na mupeleto -Lwo lundwa nga tshikili tsha mathakhenithakheni.	-Thouni, redzhistara, tshitaila divhaipfi zwo tea vhukuma ndivho, vha tangedzaho mafhungo na nyimele. -Luambo lu a tokonya, nahone thouni yo shumiswaho ndi i nyanyulaho. -Hunzhi a hu na vhukhaki ha girama na mupeleto. -Lwo lundwa tshidele vhukuma .	-Thouni, redzhistara, tshitaila divhaipfi zwo tea ndivho, vha tangedzaho mafhungo na nyimele. -U shumiswa ho teaho ha luambo u bvedza thalutshedzo. -Thouni yo tea -U pfumiswa ha luambo ho shumiswa u khavhisa zwi re ngomu.	-Thouni, redzhistara, tshitaila divhaipfi zwo tea zwiituku ndivho, vha tangedzaho mafhungo na nyimele. -Ho shumiswa luambo lwa mutheo/fhasi -Thouni na kushumisele kwone kwa maipfi a zwo ngo tea -Divhaipfi ndi yo shayedzaho vhukuma.	-Luambo a lu pfali -Thouni, redzhistara, tshitaila divhaipfi a zwo ngo tea ndivho, vha tangedzaho mafhungo na nyimele. -U hotefhala ha divhaipfi zwo anzesa lune u pfala ha mafhungo zwa si tsha konadzea na kathihi/ zwa vho konḁa vhukuma/tshothe.
MARAGA: 15	Maimo a fhasi	12-13 -Luambo ndi lwa nthā vhukuma -Lu a gobola, nahone lwo pfuma u dzangelwa ha thouni. -A hu na vhukhaki ha girama na mupeleto. -Lwo lundwa nga tshikili tsha mathakheni.	8-9 -Luambo lu a kunga na u nyanyula -Thouni ndi yo teaho, i nyanyulaho -Vhukhaki vhuḁuku ha girama na mupeleto -Zwo lundwa tshidele vhukuma	4-5 -U shumiswa ha luambo ho linganelaho, fhedzi hu tshi ḁi vha na vhuḁuzetudze -Huḁwe u shumiswa ha luambo ho teaho nga u angaredza, fhedzi u dzangelwa ha luambo ndi ha fhasi.	0-1 -Luambo lwo shumiswa lwa u sa kona -A hu na kana hu tou vha na zwiḁukuḁuku zwi sumbedzaho muvanganyo wa mafhungo/mitala. -Divhaipfi yo hotefhala lwa tshothe.	
TSHIVHUMBEO Zwiḁalusi zwa tshibvedzwa. Kubvedzelwe kwa phara na tshivhumbeo tsha mafhungo/mitala.		5 -Kubvedzele kwa thoho kwa nthesa -Vhudodombedzi ha mathakhenithakheni -Mafhungo/mitala, phara zwo fhatwa na u lundwa lwa nthesa tshoḁethshoḁe.	4 -Kubvedzele kwa thoho kwo lunzhedzanaho -Vhudodombedzi ha thoho hu pfadzaho -Mafhungo/mitala, phara zwo vangwa lu pfadzaho.	3 -Kubvedzele kwa thoho na vhudodombedzi zwo tea -Mafhungo/mitala, phara zwo fhatwa lu fushaho -Maanea o ḁi faredza zwi pfadzaho/tendiseaho.	2 -Dziḁwe mbuno ndi dzi pfadzaho -Mafhungo/mitala na phara zwi ḁi vha na vhukhaki -Fhedzi maanea a tsha ḁi pfala naho hu na vhukhaki.	1 -Hu na u shaedza ha mbuno dzo teaho -Mafhungo/mitala na phara zwo ḁala vhukhaki -Maanea ha na mudzio/ha pfadzi.
MARAGA: 5		40-50	30-39	20-29	10-19	0-9

KHETHEKANYO YA B: RUBRIKI YA U TOLA ZWIBVELEDZWA ZWILAPFU ZWA VHUDAVHIDZANI [MARAGA: 25]

Khritheria	Zwa nthesa	Tshikili tshone	Vhukoni ha vhukati/ho linganelaho/vhu fushaho	Vhukoni ha fhasi	U sa kona
ZWI RE NGOMU, VHUPULANI NA TSHIVHUMBEO Zwo nwaliwaho na mihumbulo Phindulo na mihumbulo Nzudzanyo ya mihumbulo na vhupulani U dzhiela nzhele ndivho, vha tangedzaho mafhungo na tshivhumbeo/milayo na nyimele MARAGA 15	13–15 -Phindulo ndi ya mathakhetakheni, i sa vhambedzwi -Mihumbulo ya vhuṭali, yo vhibvaho -Ndivho yo tandavhuwaho tshoṭhe ya zwiṭalusi zwa lushaka lwa tshibveledzwa -Kuṅwalele kwo tou fombe kha sia lone -Zwi re ngomu na mihumbulo zwo lunzhedzana -Zwo tandavhudzwa lwa tshoṭhe, zwidodombedzwa zwoṭhe zwi tikedza ṭhoho -Tshivhumbeo ndi tshonetshone tsho teaho tshibveledzwa	10–12 -Phindulo ndi yavhuḍi vhukuma, i bvukululaho ndivho yo dziaho ya zwiṭalusi zwa lushaka lwa tshibveledzwa -O fara vhuṭala/sia lone -A hu na u polika -Zwi re ngomu na mihumbulo zwo lunzhedzana -Zwo tandavhudzwa lwa tshoṭhe, zwidodombedzwa zwoṭhe zwi tikedza ṭhoho -Tshivhumbeo ndi tsho teaho naho hu na vhukhakhi vhuṭuku	7–9 -Phindulo ndi i fushaho/linganelaho vhukuma, i bvukululaho ndivho yo dziaho ya zwiṭalusi zwa lushaka lwa tshibveledzwa -Ho ngo tou fara vhuṭala hone tshoṭhe lini – hu na u polika huiwe hu vhonealaho -Zwi re ngomu na mihumbulo zwo ḍi lunzhedzana -Zwiṅwe zwidodombedzwa zwi tikedza ṭhoho -Nga u angaredza, tshivhumbeo ndi tshone, fhedzi hu na u polika huṭuku	4–6 -Phindulo ndi ya mutheo/fhasi, i bvukululaho ndivhonyana ya zwiṭalusi zwa lushaka lwa tshibveledzwa -Hu na u polika huiwe hu vhonealaho naho o fara vhuṭala -Zwi re ngomu na mihumbulo a zwo ngo tou farana tshoṭhe lini -Zwidodombedzwa zwiṭuku zwi tikedza ṭhoho -Hu na u shaedza hu vhonealaho ha kushumisele kwa milayo na tshivhumbeo -Ṭhahalelo/U shaedza ndi hu soliseaho	0–3 -Phindulo i sumbedza u shaya ndivho ya zwiṭalusi zwa lushaka lwa tshibveledzwa -Ṭhalutshedzo yo dzumbama, u polika ndi hu hulwane -A hu na u farana ha zwi re ngomu na mihumbulo -Zwidodombedzwa zwiṭuku zwi tikedza ṭhoho -A ho ngo tevhedzwa milayo yone ya tshivhumbeo tsha tshibveledzwa
	9–10 -Thouni, redzhistara, tshitaila na divhaipfi, ndi zwi teaho lwa mathakhetakheni ndivho, vha tangedzaho mafhungo na nyimele -Girama ndi yoneyone nahone yo fhatwa tshidele -A hu na vhukhakhi	7–8 -Thouni, redzhistara, tshitaila na divhaipfi, ndi zwi teaho tshoṭhe ndivho, vha tangedzaho mafhungo na nyimele -Nga u angaredza, girama ndi yone nahone yo fhatwa zwavhuḍi -Divhaipfi ndi yavhuḍi vhukuma -Hunzhi a hu na vhukhakhi	5–6 -Thouni, redzhistara, tshitaila na divhaipfi, ndi zwi teaho tshoṭhe ndivho, vha tangedzaho mafhungo na nyimele -Hu na huiwe vhukhakhi ha girama -Divhaipfi i a fusha/linganela -Fhedzi vhukhakhi vhu re hone a vhu thithisi ṭhalutshedzo	3–4 -Thouni, redzhistara, tshitaila na divhaipfi, ndi zwi teaho zwiṭuku ndivho, vha tangedzaho mafhungo na nyimele -Girama yo shaedza, i na vhukhakhi ho vhalaho -Divhaipfi ndi yo shaedzaho vhukuma -Ṭhalutshedzo yo thithisea	0–2 -Thouni, redzhistara, tshitaila na divhaipfi, ndi zwi sa ananiho na ndivho, vha tangedzaho mafhungo na nyimele -Zwo ḍala vhukhakhi nahone zwo tangananana -Divhaipfi a i tei ndivho na kathihhi -Ṭhalutshedzo yo hotefhala tshoṭhe
MARAGANYANGAREDZI	22–25	17–20	12–15	7–10	0–5